

1. **Fond Kantona Sarajevo za izgradnju i očuvanje grobalja šehida i poginulih boraca, memorijalnih centara i spomen-obilježja žrtava genocida (skraćeni naziv: Fond memmorijala),** ul. Širokac 22, Sarajevo, koga zastupa direktor Zijadić Suad, prof. (u daljem tekstu: **Ugovorni organ**)
2. **Društvo za proizvodnju, građevinarstvo, trgovinu i usluge „NINOS“ d.o.o.,** sa sjedištem u Sarajevu, ul. Trešnje br.5, Ilidža, Sarajevo, ID broj: 4201239820000, PDV broj:201239820000, koga zastupa Katana Hamdija, direktor (u daljem tekstu: **Dobavljač**)

Zajednički naziv za Ugovorni organ i Dobavljač je UGOVORNE STRANE.

zaključili su u Sarajevu, dana 12.12.2018.godine

U G O V O R

o nabavci i montaži vitrina i drugog namještaja za muzejsku postavku

I PREDMET UGOVORA

Član 1.

Predmet ovog Ugovora je nabavka i montaža vitrina i drugog namještaja za muzejsku postavku herojima oslobođilačkog rata u multimedijalnom centru Kovači, a sve po jediničnim cijenama Dobavljača prema Ponudi broj: 183-XI/18 od 21.11.2018.godine, koja je sastavni dio ovoga ugovora.

II CIJENA I NAČIN PLAĆANJA

Član 2.

Netto vrijednost ugovora iznosi	38.390,00 KM
PDV17% u iznosu od	6.526,30 KM

**Ugovorne strane su saglasne da ukupna vrijednost ugovora sa uključenim PDV-om 17 % iznosi
44.916,30 KM**

(slovima: četrdeset četiri hiljadedevetstotina šesnaest i 30/100 KM)

Član 3.

Ugovorni organ će Dobavljaču uplatiti avans u iznosu od 30% od ugovorene cijene u roku od 15 (petnaest) dana od datuma potpisivanja ugovora, nakon što Dobavljač predoči Ugovornom organu avansnu fakturu i mjenicu sa mjeničnom izjavom. Avansna isplata će se nadoknaditi oduzimajući proporcionalne iznose od redovnih isplata Dobavljaču, da bi se u punom iznosu nadoknadio do isteka roka za završavanje ugovora.

Ostatak ugovorene vrijednosti Ugovorni organ će platiti Dobavljaču nakon završetka radova po okončanoj situaciji, ovjerenoj od strane Nadzornog organa, u roku od 15 (petnaest) dana od datuma prijema iste.

III ROK

Član 4.

Ugovorne strane su saglasne da je rok za izvršenje predmeta ugovora 60 (šezdeset) dana od uplate avansa Dobavljaču.

Član 5.

U slučaju kašnjenja u isporuci i ugradnji optreme, do kojeg je došlo krivicom odabranog ponuđača, isti će platiti ugovornu kaznu, u skladu sa Zakonom o obligacionim odnosima u iznosu od 1% vrijednosti

ugovora, za svaki dan kašnjenja do urednog ispunjenja, s tim da ukupan iznos ugovorne kazne ne može prijeći 10%, od ukupno ugovorene vrijednosti opreme, koja je predmet ugovora. Odabrani ponuđač je dužan platiti ugovornu kaznu u roku od 7 (sedam) dana od dana prijema zahtjeva za plaćanje od Ugovornog organa.

Ugovorni organ neće naplatiti ugovornu kaznu ukoliko je do kašnjenja došlo usljed više sile. Pod višom silom se podrazumijeva slučaj kada ispunjenje obaveze postane nemoguće zbog vanrednih vanjskih događaja, na koje izabrani ponuđač nije mogao uticati niti ih predvidjeti.

IV GARANTNI ROK

Član 6.

Za opremu iz člana 1.ovog Ugovora dostavlja se garantni list.

Garantni rok traje godinu dana + 30 (trideset) dana, servis obezbjeđen u Sarajevu.

Garantni rok teče od dana primopredaje.

Montaža osigurana kod Dobavljača.

Dobavljač je obavezan predati Ugovornom organu garantne listove kojim proizvođač garantuje za opremu u toku garantnog roka.

Ugovorni organ se obavezuje na zahtjev Ugovornog organa otkloniti nedostatke i kvarove koji bi nastali zbog ugrađenog nekvalitetnog materijala ili nestručnog rada u garantnom roku.

Ako Dobavljač ne otkloni nedostatke ili kvarove na opremi u roku od 3 (tri) dana, Ugovorni organ može zahtjevati od Dobavljača da mu umjesto iste preda novu opremu koja je u ispravnom stanju.

Ugovorni organ ima pravo nakon isteka roka iz stava 7. na naknadu štete koju bi pretrpio usljed toga što je bio lišen upotrebe opreme od trenutka traženja opravke ili zamjene do njihovog izvršenja.

Član 7.

Dobavljač odgovara Ugovornom organu da predmetna oprema ima određeni kvalitet potreban za njenu redovnu upotrebu.

Dobavljač odgovara za moguće mane u momentu isporuke i prijema isporuke opreme, kao i za mane koje bi se eventualno pojavile kasnije, ako su te mane posljedica uzroka koji su postojali prije prijema opreme od strane Ugovornog organa.

Dobavljač odgovara za moguće mane opreme ako mane Ugovornom organu nisu bile poznate ili mu nisu morale biti poznate u trenutku zaključivanja ovog ugovora, kao i za eventualne skrivene mane.

V MJESTO IZVRŠENJA UGOVORA

Član 8.

Ugovorne strane su saglasne da je mjesto izvršenja ugovora: *Memorijalni centar Kovači – prostor za muzejsku postavku, Sarajevo, Širokac br. 1.*

VI GARANCIJA ZA DOBRO IZVRŠENJE UGOVORA I KVALITET ISPORUČENE I UGRAĐENE OPREME

Član 9.

Dobavljač je dužan u roku od 15 (petnaest) dana, računajući od dana potpisivanja ugovora, dostaviti garanciju u vidu mjenice i mjenične za uredno izvršenje ugovora u iznosu od 5% od vrijednosti ugovora sa PDV-om, sa rokom trajanja garancije do potpune realizacije ugovora.

Dobavljač je dužan u roku od 10 (deset) dana, nakon internog tehničkog pregleda isporučene i ugrađene opreme, dostaviti bezuslovnu bankarsku garanciju u iznosu od 5% od vrijednosti isporučene i ugrađene opreme, sa PDV-om, za kvalitet isporučene i ugrađene opreme, sa rokom trajanja od 1 (jedne) godine plus 30 (trideset) dana.

Član 10.

Garancija za dobro izvršenje ugovora i garancija za kvalitet isporučene i ugrađene opreme trebaju biti dostavljene u formi propisanoj u tenderskoj dokumentaciji.

Ukoliko ne nastupi niti jedan od slučajeva, koji bi zahtijevao realizaciju garancije za uredno izvršenje ugovora i garancije za kvalitet isporučene i ugrađene opreme, Ugovorni organ će, po isteku rokova, na koji su izdate garancije, izvršiti povrat dokumenata, koji predstavljaju garanciju za uredno izvršenje ugovora i garanciju za kvalitet izvedenih radova, prema uslovima iz ugovora.

Povrat ili zadržavanje garancije za uredno izvršenje ugovora i garancije za kvalitet isporučene i ugrađene opreme, vršit će se u skladu sa Pravilnikom o obliku garancije za ozbiljnost ponude i izvršenje ugovora.

VII STRUČNI TIM/KOMISIJA

Član 11.

Za praćenje izrade i primo-predaju opreme iz člana 1. ovog ugovora Ugovorni organ imenovat će *Stručni tim/Komisiju*.

VIII RASKID UGOVORA

Član 12.

Ovaj Ugovor se može raskinuti u sljedećim slučajevima:

Obostranom saglasnošću ugovornih strana.

U slučaju da jedna od ugovornih strana ne ispuni svoje obaveze.

Ako, usljed okolnosti koje su van kontrole ugovornih strana (viša sila ili drugo), one nisu u mogućnosti da nastave ili dovrše ugovorene aktivnosti.

Ugovorni organ zadržava pravo da jednostrano raskine ovaj ugovor, ukoliko Dobavljač neopravdano kasni sa isporukom i ugradnjom opreme, ili isporučena i ugrađena oprema ne odgovara zahtjevanim karakteristikama i standardima kvaliteta navedenim u ponudi Dobavljača.

Raskid ugovora se daje u pismenoj formi, uz detaljno navođenje razloga za raskid i dostavlja se drugoj ugovornoj strani.

IX OSTALE ODREDBE

Član 13.

Ugovorne strane susaglasne da je Dobavljač obavezan profesionalno i odgovorno sarađivati sa izvođačem, koji bude izvodio završne zanatske radove i radove na elektro instalacijama u istom prostoru i u isto vrijeme.

Član 14.

Ugovorni organ će odmah po prijemu isporuke opreme utvrditi kvalitet iste u mjestu isporuke po pravilima Zakona o obligacionim odnosima, o čemu će sačiniti komisijski zapisnik.

Dobavljač je obavezan odmah otkloniti nedostatke po primjedbama Ugovornog organa.

Ukoliko isporučeni predmet ugovora ne odgovara naručenom, u pogledu kvantiteta i asortimana Ugovorni organ isti neće primiti.

Član 15.

Na odnose između ugovornih strana koji nisu regulisani ovim ugovorom primjenjuju se odgovarajuće odredbe Zakona o obligacionim odnosima.

Član 16.

Sve eventualne sporove ugovorne strane će rješavati dogovorno, u suprotnom mjesno i stvarno nadležan je sud u Sarajevu.

Član 17.


Ovaj ugovor je sačinjen u 5 /pet/ istovjetnih primjeraka, od kojih Ugovornim stranama pripadaju po 2 /dva/ primjerka, a 1 /jedan/ primjerak dostavlja se Stručnom timu/komisiji.

Član 18.

Ugovor stupa na snagu danom obostranog ovjeravanja i potpisivanja ugovora od strane ovlaštenih zastupnika ugovorenih strana.

ZA UGOVORNI ORGAN
DIREKTOR

Zijadić [redacted] / prof.



Broj: 13-14-02-491/18
Sarajevo, 12.12.2018. godine



ZA DOBAVLJAČA
DIREKTOR

Katana Hamdija

[redacted]

Broj: 90-XII/18
Sarajevo, 17.12.2018

OBRAZAC ZA DOSTAVLJANJE PONUDE

Broj nabavke: 13-49-491/18

Broj obavještenja na Portalu javnih nabavki: 787-7-1-161-3-25/18

Broj ponude: 183-XI/18

Datum: 21.11.2018.

UGOVORNI ORGAN:

Naziv ugovornog organa	Fond Kantona Sarajevo za izgradnju i očuvanje grobalja šehida i poginulih boraca, memorijalnih centara i spomen obilježja žrtava genocida
Adresa	Širokac br. 22
Sjedište	71 000 Sarajevo

PONUĐAČ:

Ukoliko ponudu dostavlja grupa ponuđača, upisuju se isti podaci za sve članove grupe ponuđača, kao i kada ponudu dostavlja samo jedan ponuđač, a pored naziva ponuđača koji je predstavnik grupe ponuđača upisuje se i podatak da je to predstavnik grupe ponuđača. Podgovarač se ne smatra članom grupe ponuđača u smislu postupka javne nabavke.

Naziv ponuđača	NINOS d.o.o. SARAJEVO
Adresa	TREŠNJE BR. 5
Sjedište	ILIDŽA, 71210
IBAN/JIB	4201239820000

KONTAKT OSOBA:

Ime i prezime	HAMDİJA KATANA
Adresa	TREŠNJE BR. 5
Telefon	033/629-549
Fax	033/629-549
E-mail	info@ninos.ba

IZJAVA PONUĐAČA

(Ukoliko ponudu dostavlja grupa ponuđača, onda Izjavu ponuđača popunjava predstavnik grupe ponuđača.)

U postupku javne nabavke, koju ste pokrenuli i koja je objavljena na Portalu javnih nabavki, broj obavještenja o nabavci _____, dana 16.11.2018, dostavljamo ponudu i izjavljujemo sljedeće:

1. U skladu sa sadržajem i zahtjevima tenderske dokumentacije br. 13-23-491/18 (broj nabavke koji je dao 787-7-1-161-3-25/18 odgovorni organ), ovom izjavom prihvatamo njene odredbe u cjelosti, bez ikakvih rezervi ili ograničenja.

2. Ovom ponudom odgovaramo zahtjevima iz tenderske dokumentacije za **robe**, u skladu sa uslovima navedenim u tenderskoj dokumentaciji i kriterijima, bez ikakvih rezervi ili ograničenja.

3. Cijena naše ponude (bez PDV-a) je _____	<u>38.390,00</u> KM
Popust koji dajemo na cijenu ponude je _____	_____ KM
Cijena naše ponude, sa uračunatim popustom je _____	<u>38.390,00</u> KM
PDV na cijenu ponude (sa uračunatim popustom) _____	<u>6.526,30</u> KM
Ukupna cijena za ugovor je _____	<u>44.916,30</u> KM

U pogledu avansa izjavljujemo da potražujemo sljedeću vrijednost (ZAOKRUŽITI):

a) Avans 10%

b) Avans 20%

c) Avans 30%

Red isporuke i ugradnje robe je prema najpovoljnijoj ponudi.

U prilogu se nalazi i obrazac za cijenu naše ponude, koji je popunjen u skladu sa zahtjevima iz tenderske dokumentacije. U slučaju razlika u cijenama iz ove Izjave i Obrasca za cijenu ponude, relevantna je cijena iz obrasca za cijenu ponude.

4. U pogledu primjene preferencijalnog tretmana domaćeg izjavljujemo da (ZAOKRUŽITI):

je ponuđač domaći privredni subjekt sa sjedištem u BiH i da je najmanje 50% ukupne vrijednosti ponuđenih roba, porijeklom iz BiH, stoga naša ponuda potpada pod odredbe o preferencijalnom tretmanu domaćeg;

je ponuđač privredni subjekt registriran u zemlji potpisnici CEFTA 2006., odnosno sa sjedištem u _____ i da je najmanje 50% ukupne vrijednosti ponuđenih roba porijeklom iz _____

naša ponuda ne uživa preferencijalni tretman domaćeg

Ukoliko se na ponudu ne može primjeniti preferencijalni faktor domaćeg, navesti da se na ponudu ne primjenjuju odredbe o preferencijalnom tretmanu domaćeg./



5. Ova ponuda važi 60 (šezdeset) dana (broj dana ili mjeseci se upisuju i brojučano i slovima, a u slučaju da se razlikuju, validan je rok važenja ponude upisan slovima), računajući od isteka roka za primanje ponuda, tj. do [30.11.2018] (datum).

6. Garancija za ponudu je dostavljena u skladu sa zahtjevima iz tenderske dokumentacije.

7. Ako naša ponuda bude najuspješnija u ovom postupku javne nabavke, obavezujemo se: dostaviti dokaze o kvalificiranosti, u pogledu lične sposobnosti, ekonomske i finansijske sposobnosti, tehničke i profesionalne sposobnosti, koji su traženi tenderskom dokumentacijom i u roku koji je utvrđen, a isto potvrđujemo izjavama u ovoj ponudi.



OVLAŠTENO LICE PONUĐAČA

HAMDİJA KATANA
(ime i prezime)

(potpis)
SARAJEVO, 21.11.2018.
(mjesto i datum)

